



Inatsisartunut ilaasortaq,  
Stine Egede, Inuit Ataqatigiit  
/Maani

**UNESCO-qarfinni bufferzone-t aamma aatsitassarsiorluni misissuinissamut akuersissutit pillugit § 37 naapertorlugu apeqquteqaammut nr. 2019/23-imut akissut 25.01.2019**

Suliap nr. 2016 - 4611  
Ulloq: 25/01/19

Asasara Stine Egede.

Postboks 930  
3900 Nuuk  
Tlf. (+299) 34 68 00  
E-mail: [asn@nanoq.gl](mailto:asn@nanoq.gl)  
[www.govmin.gl](http://www.govmin.gl)

**1 Nunatta kujataani UNESCO-qarfinni, buffer zone-nilu aatitassaqarneranik misissueqqissaarnissamut qassit kikkullu akuersissuteqarpat?**

**Akissut:**

Aatsitassarsiorluni misissuinissamut akuersissutit pillugit apeqquteqaat imatut paasivarput. Aatsitassarsiorluni misissueqqisaarnissamut akuersissutinik UNESCO-qarfinni aamma bufferzone-ni aatsitassarsiorluni misissuinissamut periarfissiisunik tunniussisoqarsimangilaq.

Bufferzone-niittuni aatsitassarsiorluni misissuinissamut akuersissutit pingasuupput. Ingerlatseqatigiiffik Rimbal Pty. Ltd. aatsitassarsiorluni misissuinissamut akuersissummut 2010/24-imut pisinnaatitsissummik pigisaqartuuvoq, Regency Mines plc. aatsitassarsiorluni misissuinissamut akuersissummut 2014/01-imut pisinnaatitsissummik pigisaqartuuvoq aamma CGRG s.r.o. aatsitassarsiorluni misissuinissamut akuersissut 2013/15-imut pisinnaatitsissummik pigisaqartuuvoq.

## **2 Misissueqqaarnissamut      akuersissutilinni      qassit      piiaanissamik qinnuteqarsimappat**

### **Akissut:**

Aatsitassarsiorluni misissuinissamut akuersissummut pisinnaatitsissummik pigisaqartoq nalinginnaasumik piiaanissamut akuersissummik qinnuteqarnissaminik sunik aallaaveqarnersoq, pissutsinik assigiinngitsorpassuarnik tunngaviliisuusinnaasarpoq. Sumiiffimmi akuersissuteqarfiusumi aatsitassaqarfik assersuutigalugu niuernermik tunngaveqartumik piiaaffigineqarsinnaasussaavoq, aammalu VVM aamma VSB, ilanngullugulu pisinnaatitsissummik pigisaqartup, Namminersorlutik Oqartussat aamma piiaanermik ingerlataqarnerup ingerlanneqarfissaaniittup kommunip akornanni IBA-mut isumaqatigiissut, suliarineqartussaallutik. VVM (avatangiisini sunniutasussanik nalilersuineq), piiaanissamut akuersissutip taassumalu kingunerisaanik aatsitassarsiorfimmik ingerlatsinerup mingutsitsinermik malitseqannginnissaanut, suliarineqartarpoq. VSB (inuaqatigiinni piujuartussamik sunniutaasussanik nalilersuineq) piiaanissamut akuersissutip inuaqatigiinnut iluaqutaanissaa qulakkeerniarlugu, suliarineqartarpoq. Pisut amerlanerpaartaanni niuernermik tunngaveqartumik piiarneqarsinnaasumik peqarfeqarnersoq uppernarsarneqarsinnaannginnera pissutigalugu, aatsitassarsiorluni misissuinissamut akuersissutinut pisinnaatitsissummik pigisaqartut akuersissutit utertinnissaat toqqartarpaat.

Taamaattumik pisinnaatitsissummik pigisaqartut qassit naggataatigut piiaanissamut akuersissummik qinnuteqartarnersut, kisitsisit eqqoqqissaartut oqaatigiuminaattortaqarput, kisiannili ikittuaraannaapput. Maannakkorpiaq piiaanissamut akuersissutit 6-it tunniunneqarsimapput. Sanilliukkaanni 2019-imut ukiup nikinnerani Kalaallit Nunaanni aatsitassarsiorluni misissuinissamut akuersissutit ingerlatsivigineqartut 60-iupput.

**3 Misissueeqqaarnissamut      akuersissutilinni      pimoorullugu  
misissuisoqarnersoq      kikkunnit      naalakkersuisoqarfimmiit      qanoq  
nakkutigineqarpa?**

**Akissut:**

Aatsitassanut Aqutsisoqarfiup aatsitassarsiorluni misissuinissamut akuersissutinut pisinnaatitsissummik pigisaqartunut toqqaannartumik attaveqarneq isumagisaraa. Aatsitassanut Aqutsisoqarfimmi pisinnaatitsissutinut immikkoortortaqarfiup suliassanik suliarinninnerup annertunersaanut ataqtigiaissaarisarpoq. Tamanna Aatsitassanut oqartussaaffiup immikkoortortat allat qanimat suleqatigalugit pisarpoq. Soorlu Aatsitassanut Suliffeqarnermullu Naalakkersuisoqarfik, Aatsitassanik Suliassaqarfinnut Avatangiisinut Aqutsisoqarfik aamma Inuussutissarsiornermut Nukissiuuteqarnermullu Naalakkersuisoqarfik.

Aatsitassarsiorluni misissuinissamut akuersissutinut pisinnaatitsissummik pigisaqartut aatsitassarsiorluni misissuinermi ingerlataqarnernut aningaasartuuteqarnissamut ukiumoortumut pisussaaffeqarput. Aningaasaqarnikkut pisussaaffiit ukiumiit ukiumut annertusiartortarput aammalu sumiiffiup akuersissuteqarfiusup aamma akuersissutip pisoqaassusaa tunngaviusarlutik. Aningaasartuuteqarneq Aatsitassanut Aqutsisoqarfimmut naatsorsuutinik kukkunersiuisumit atsiorneqartunik ukiumut ataasiarluni nassiussinikkut uppernarsarneqartarpoq. Tamatuma saniatigut pisinnaatitsissummik pigisaqartut ukiut tamaasa aamma suliaqarnermut ingerlanneqartumut tunngatillugu ujarassiornermut nalunaarusiamik nassiussisartussaapput.

**4 Misissueeqqaarnissamut      akuersissutilinnit,      misissuinissamut  
sivitsuinissamik qinnuteqartoqaqqikkaangat suut nalilersuutigineqartarpat.**

**Akissut:**

Aatsitassarsiorluni misissuinissamut akuersissummut pisinnaatitsissummik pigisaqartoq, piumasaqaatit inatsisillu tamarmik naammassineqarsimappata, piffissami akuersissuteqarfiusumi ukiut tallimat siullit qaangiunneranni, suli ukiunik tallimanik sivitsuinissamut pisinnaatitaavoq. Tamanna isumaqarpoq pisinnaatitsissummik pigisaqartup akuersissummi aningaasaqarnikkut nalunaarusiornikkullu pisussaaffiit tamaasa naammassisimassagai, ilanngullugit ukiumut

aatsitassarsiorluni misissuinissamut pisussaaffiit. Akuersisummi ingerlataqartoqarsimannngippat, taamaalilluni sivitsuinissamik qinnuteqaat itigartinneqarsinnaavoq. Akuersisummi ukiut qulissaat sinnerlugit sivitsuinerit, ukiut pingasukkaarlugit akuerineqartarput. Naalakkersuisut sivitsuinerit taamaattut atugassaritaasut immikkut ittut tunngavigalugit akuerisinnaavaat. Aamma tassani piumasaqaatit inatsisillu siulianiittut naammassineqarsimanerat eqqarsaatigineqassaaq, kisianni minnerunngitsumik piumasaqaataasussat aamma naammassineqarsinnaanissaat naleqquttumik ilimanaateqarnersoq.

**5 Qinnuteqaatinik pigisaqtut misissueqqaarnerminnik suliaqarsimannngikkaluarlutik pilersaarutiminnilluunniit pisortanut ilisimatssutaasimasunik naammassinnissimannngikaluarlutik qinnuteqaatiminnik sivitsuinissamut qinnuteqarpata pissutsit suut tunngavigalugit sivitsuinissamut qinnuteqaataat akuerineqarsinnaappat?**

**Akissut:**

Apeqquummut 4-imut akissut takuuk

**6 Nunatta kujataani UNESCO-qarfinni, buffer zone-qarfinnilu misissuinissamut akuersissutillit Nunatta karsianut qanoq isaatitsissutaappat, 2015-imiit 2018-mut.**


**Akissut:**

Aatsitassarsiorluni misissuinissamut akuersissutinut pingasunut piffissami, 2015-2018-imi bufferzone-ni inisisimasunut pisinnaatitsissummik pigisaqtunit pingasunit taakkunannga toqqaannartumik akiliutinik Nunap karsianit tigusaqartoqanngilaq. Kisianni pisinnaatitsissummik pigisaqtut piffissami 2015-17-imi aatsitassarsiorluni misissuinermut aningaasartuutit ataatsimut isigalugit DKK 9.589.672-inik aningaasartaqartut, akuersissuteqarfigitippaat. 2018-imut aatsitassarsiorluni misissuinermut aningaasartuutinut akilerneqartunut naatsorsuutit aatsaat 2019-imi apriilimi Aatsitassanut Aqutsisoqarfimmut nassiunneqassapput. Taamaalilluni 2018-imut aatsitassarsiorluni misissuinermut aningaasartuutit pillugit paasissutissat suli pissarsiarineqarsinnaanngillat.

**7 Naalakkersuisut Nunatta kujataani Unesco-qarfimmum tunngasumik allamik paasissutissaateqarpat.**

**Akissut:**

UNESCO-qarfiup 2018-imi novembarimi Naalakkersuisunit aamma bufferzone-ni aatsitassarsiorluni misissuinissamut, ilisimatusarluni misissuinissamut, misissueqqaarnissamut aamma piaanissamut akuersissutinik nutaanik tunniussisoqausajunnaarpooq akuerineqarnerata kingorna. Bufferzone-ni aatsitassarsiorluni misissuinissamut akuersissutinut pioreersunut pingasunut taakkununnga pisinnaatitsissummik pigisaqartut piffissap akuersissuteqarfiusup sivitsorneqarnissaa qinnuteqaatigisinnaavaat, kisianni akuersissutip nunaminertaa annertusitinneqassasoq qinnuteqaatigisinnaanagu.

  
Inussiarnerumik inuulluaqqusillunga  
Erik Jensen